

# Eugèni PLAUCHUD

## CHARMÈU E MIRÈLO

D'aquéu tèm̄s ou quartié des Chambarèu, tout pròchi dóu riéu, qu'à l'ouro d'encuei lipo lei muraio dóu çamentèri, istavo uno jouino véuso. Soun ome èro ista 'scracha par un roure que coupavo dins lou bouos, e que li toumbé dessus coumo uno leco sus un tourdre.

La véuso, pecaire, vivié pichotomen dóu revengu de sei galino, de sei lapin, des ourtuloio que fahié veni outour de sa grangeto, dóu la de sei cabro, e de la bresco de quauquei brusc. Mai poutavo un enfant, e la pensado dei riseto de la meinat qu'espéravo, li doné lou couràgi de supourta soun malur.

Uno nueu, quand lou mau la prengué, e que touto soureto, se toursié sus soun lié de douleur. l'asard fe que lo fado Boutoun-d'Or passé par aqui, ousé gensa la malouro, intré e l'ajudé à metre ou mounde un bèu pichot, bèn reviscouria, lou mudé e lou batejé dóu pourit noum de Charmèu.

Lou pichot Charmèu se vehié creisse; de tèm̄s en tèm̄s la meirino Boutoun-d'Or lou vénié veire, à partié jamai sènso leissa quòncaren d'escoundu sus la chamineio.

Cade jour s'estacacavo de mai en mai à soun fihòu qu'èro lou pus brave è lou pus bèl enfant de l'encoutrado. Quand ajougné ses quatorge an, la fado lou prengué en despart e li digué: Escouto, moun bèu, sables qu'à la ribo dóu bouos l'i a lou castelas dóu baroun des Chambarèu, basti sus un groi deibaus. E bè, te recoumandou de jamai ana juga, ni roudassia d'aquéu caire, e, subre tout, de jamai intra dins lou castèu; n'en sourtiries plus; tèn-te-vou par di.